

vele Fursten und Heeren, benieders gehadt, de ohne mit gewalt, overtogen, jedoch durch eendrachtige lieve, de syne underlaten tho ohne droegen, heft he sick der benieders der *Freeslande* alle erweert, und wo he na vele tware und mann.gvuldige kryge de Gravelchup *Oostfreeslant* unvorschattet, unvorpandet, und unvorsattet synen kinderen und jonge Heeren als Graven tho *Oostfreeslant* geervet und nagelaten, als men dar van und van andere punten und articulen in dussen folgenden boeke vornemen wert.

Als nu Grave *Edzardt* de 11. des nahmens de regeringe des Gravelchup *Oostfreeslant* an sick genahmen, und vor hen eene lange duirende twist tusschen der Gravelchup *Oostfreeslant* und der Herrscap *Oldenborch* gewest, so heft Grave *Edzardt* um kuntlichup gerichtlich up de scheidung tusschen *Horsten* und *Setel* den Provest tho dem *Oestringe Velde*, und mehr andere fromme und unstrafliche menner laten vorhoeren, wat ohne van der Lantscheidung kundig weer, und is betuyget als folget: anno CHRISTI 1492. des frydages in den Palchen.

Ick broeder Haje Provest tho den Velde bekenne by myner Seelen Salicheit vor sodane luyde als dat geboert, wo dat ick betuyge und bekenne in tegenwoordicheit des Erbahren und framen Arent van Straackholte, Amptman des Edelen und Wolgebahrnen Heeren *Edzards* Graven tho *Oostfreeslant*, wo dat Remet und syn Ehe wyf *Tjade* genant vor uns bekanden by ohrer Seelen Salicheit, dat van den Oldenborgeren Geist de rechte scheidung is de roede Ee door dat mohr, daer nu de brugge overgeit, und de helfte van den water an gene zyden van *Horsten*, hoeret up tho *Zetel* an den 2. Syden und de helft van den water an duffer Syden van *Zetel*, dat hen up tho *Horsten* sunder jenegerley inseggent van den van *Zetell*, oft van ander luyden. Dat dit also geschehen is, bekenne ick in tegenwoordicheit des *Vagedes* und *Roloff* Inwaeners tho *Barkell*, de dar an und

F ff

aver